



Na osnovu člana 29. stava 1. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća ( Službene novine Federacije Bosne i Hercegovine, broj: 39/03, 22/06 i 43/10), člana 31. i 32. Pravilnika o načinu rada i funkcioniranju štaba i povjerenika civilne zaštite (Službene novine F BiH, broj: 77/06, 5/07i 32/14), i Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Ilidža ( Službene novine Kantona Sarajevo, broj 13/09 ), na prijedlog Općinskog štaba civilne zaštite Općine Ilidža, na Sedmoj (7) vanrednoj sjednici održanoj dana 07.11.2021.godine, Općinski načelnik donosi:

**O D L U K U**  
**O PROGLAŠENJU STANJA PRIRODNE NESREĆE NA DIJELU PODRUČJA OPĆINE**  
**ILIDŽA, UZROKOVANE OBILNIM KIŠNIM PADAVINAMA KOJE SU PROUZROKOVALE**  
**POPLAVE**

**Član 1.**

Proglašava se stanje prirodne nesreće uzrokovane obilnim kišnim padavinama koje su prouzrokovale poplave, na dijelu općine Ilidža, i to na području mjesnih zajednica: Donji Kotorac, Butmir, Otes, Vreoca, Osjek i Blažuj.

**Član 2.**

Radi provođenja mjera zaštite i spašavanja na ugroženom području Općinski načelnik određuje da se sve općinske službe, javna poduzeća, ustanove, predstavnici mjesnih zajednica, pravni subjekti i druge institucije stave na raspolaganje Općinskom štabu civilne zaštite Ilidža, kao i sve resurse koji će se prema planovima zaštite i spašavanja ljudi i materijalnih dobara koristiti na ugroženom području.

**Član 3.**

Zadužuje se Općinski štab civilne zaštite Ilidža da izvrši aktiviranje svih službi, povjerenika civilne zaštite, predstavnika mjesnih zajednica, a po potrebi i drugih pravnih subjekata i građana radi pružanja pomoći na ugroženom području i saniranja nastalih posljedica nesreće.

**Član 4.**

Organizaciju, koordinaciju i rukovođenje svih aktivnosti vršit će Općinski štab civilne zaštite Ilidža, u skladu sa važećim zakonskim propisima.

**Član 5.**

Obavezuju se rukovodioci organizacionih jedinica općine Ilidža, rukovodioci javnih ustanova, kao i rukovodioci pravnih osoba i drugih institucija na području općine Ilidža, da osiguraju striktno provođenje svih naredbi Štaba civilne zaštite, kao i drugih mjera neophodnih za izvršenje u toku ovih aktivnosti.



## Član 6.

Troškovi koji nastanu angažovanjem Općinskog štaba civilne zaštite, službi za upravu, službi zaštite i spašavanja, drugih angažovanih snaga, kao i angažovanjem nedostajućih resursa tokom provođenja akcije zaštite ljudi na ugroženom području i otklanjanja posljedica prirodne nesreće, pokrit će se iz sredstava posebne naknade za zaštitu od prirodnih i drugih nesreća planiranih budžetom općine Ilidža, kao i iz sredstava ostvarenih iz pomoći drugih nivoa vlasti.

## Član 7.

Za realizaciju sredstava iz člana 6., zadužuje se Služba za finansije i Služba civilne zaštite Općine Ilidža

## Član 8.

Općinski štab civilne zaštite Općine Ilidža i Općina Ilidža su dužni o poduzetim mjerama redovno izvještavati Općinsko vijeće, Kantonalnu upravu civilne zaštite i druge organe u skladu sa zakonskim i drugim propisima.

## Član 9.

Ova Odluka stupa na snagu danom donošenja i ista će se objaviti putem printanih i elektronskih sredstava informisanja, kao i u „Službenim novinama Kantona Sarajevo“.



[Redacted]  
**OPĆINSKI NAČELNIK**

[Redacted]  
**Nermin Muzur, magistar uprave**

Broj:02-40-5493/21  
Ilidža, 07.11.2021. godine